

आकाशवाणी

- केंद्र नै नेशनल लिब्रेशन फ्रंट ऑफ त्रिपुरा, आल त्रिपुरा टाइगर फोर्स ते संबंधित गुटें गी गैर कनूनी गतिविधि दी रोकथाम सरबन्धी अधिनियम तैहत अवैध संगठन घोषित कीता।
- असम सरकार नै 5 मुस्लिम मूल निवासी समुदाय दे समाजिक, आर्थिक मूल्यांकन दी प्रक्रिया शुरू करने दी सैद्धांतिक मंजूरी देई दिती ऐ।
- सरकार नै प्रधानमंत्री स्वनिधि कार्यक्रम दे अंतर्गत 50 लख थमां बद्द रेहड़ी-फड़ी लाने आहलें गी आत्मनिर्भर बनाइयै ऐतिहासिक उपलब्धि हासल कीती।
- अमरीकी प्रतिनिधि सभा दे स्पीकर केविन मैक्कार्थी होरें गी ओहदे थमां हटाई दित्ता गेआ।
- हांगचोओ एशिया खेड्डें च भारत दा शानदार प्रदर्शन जारी।

<><><><><><>

HM-ATTF

केंद्र सरकार नै नेशनल लिब्रेशन फ्रंट आफ त्रिपुरा, आल त्रिपुरा टाइगर फोर्स ते सरबन्धित गुटें गी गैर कनूनी गतिविधिएं दी रोकथाम सरबन्धी अधिनियम तैहत अवैध संगठन घोषित कीता ऐ। गृह मंत्रालय नै इन्हें संगठनें पर 5 बर्रे आस्तै प्रतिबंध लाया ऐ। मंत्रालय नै दस्सेआ ऐ जे सरकार दा मनना ऐ जे इंदियां गतिविधियां मुख्य दी एकता, अखंडता ते संप्रभुता आस्तै खतरा न।

मंत्रालय नै आखेआ ऐ जे जेकर इनें संगठनें पर फौरी तौर पर रोकथाम या इनेंगी काबू च नेई कीता गेआ तां ओह अपनी अलगाववादी, खतरनाक, हानिकारक ते हिंसक गतिविधिएं गी अगगे बदाने आस्तै कम्म करदे रौहडन। एदे च एह बी आखेआ गेआ ऐ जे इनें संगठनें आस्सेआ भारत दी संप्रभुता ते राश्ट्री अखंडता आस्तै नुकसानदेह ताकतें कन्नै रलिए राश्ट्र विरोधी गतिविधिएं दा बी प्रचार करने दी शेंका ऐ।

<><><><><><><><>

Asam

असम सरकार नै 5 मूल निवासी मुस्लिम समुदाय गोरिया, मोरिया, देशी, सैयद ते जोल्हा दे समाजिक-आर्थिक आंकलन दी प्रक्रिया शुरू करने दी सैद्धांतिक मंजूरी देई दिती ऐ। गुवाहाटी च मुख्यमंत्री हिमंत बिस्वा सरमा हुंदी अध्यक्षता च होई दी बैठक च एह फैसला लैता गेआ। श्री सरमा होरें सरबंधित अधिकारिण गी समाजिक आर्थिक आंकलन यकीनी करने आस्तै लोड़चदे उपा करने दे निर्देश जारी कीते।

<><><><><><><><>

PM-Schemes

प्रधानमंत्री स्ट्रीट वैंडर्स आत्मनिर्भर निधि, पी.एम स्वनिधि योजना राहें राश्ट्र भरै च 50 लक्ख शां मते रेहड़ी-फड़ी लाने आहलें गी लाह हासल होआ ऐ।

शिड़कें पर रेहड़ी फड़ी लाने आखे शैहें च रौहने आहले लोकें गी जरूरी समेयान ते सेवा उपलब्ध करोआइयै मते समें थमां शैही अनौपचारिक अर्थ बवस्था च बक्ख-बक्ख भूमिका नभांदे न। आवास ते शैहरी मामले दे मंत्रालय दी एह पैहलकदमी च एह योजना उनेंगी औपचारिक आर्थिक दायरे च आनने लेई महत्वपूर्ण रेही ऐ। योजना दी पहुंच गी व्यापक बनाने आस्तै प्रधानमंत्री नरेंद्र मोदी हुंदे दृष्टिकोण नै एहदे विस्तार आस्तै मते सारे प्रयासों गी प्रेरित कीता ऐ। इस बरे 1 जुलाई थमां योजना दे तैहत हासल कीते जाने आहले लक्ष्यों च संशोधन करदे होई इक अभियान शुरू कीता हा। इस दौरान कई उच्च सतह दी समीक्षा बी कीतियां गेइयां न। पी.एम स्वनिधि योजना इक माइक्रो क्रेडिट योजना ऐ जेड़ी शैहरें च रेहड़ी फड़ी लाने आहलें आस्तै 1 जून 2020 गी शुरू कीती गेई ही। एहदा मकसद बिना कुसै गारंटी दे 50 जहार रपे तगर लोन उपलब्ध करोआना ऐ।

<><><><><><>

PM-Telangana

प्रधानमंत्री नरेंद्र मोदी होरें तेलंगाना दे निजामाबाद च 8 जहार करोड़ रुपें शा मती लागत आहली मती सारी विकास परियोजनाएं दा नींह पत्थर रक्खेआ ते राष्ट्र गी समर्पित कीता। प्रधानमंत्री होरें कल मनोहराबाद-सिद्दीपेंट गी जोड़ने आहली नमीं रेलवे लाइन ते धर्मवाद-मनोहराबाद ते महबूबनगर-कुरनूल बश्कार बिजलीकरण परियोजना गी राष्ट्र गी समर्पित कीता।

प्रधानमंत्री होरें समागुंडमच एन. टी.पी.सी दे तेलंगाना सुपर थर्मल पावर प्रोजेक्ट दे पैहले चरण गी पैहली 800 मेगावाट दी पैहली इकाई गी बी राष्ट्र गी समर्पित कीता। इस पावर प्लांट थमां 85 फीसद बिजली पैदा होग जेदा इस्तेमाल प्रदेश आस्तै गै कीता जाग। एहदे कन्नै उत्तर दक्खन ग्रिड कनेक्टिविटी च बी सुधार औग। प्रधानमंत्री होरें 20 जिला मुख्याल च प्रधानमंत्री आयुश्मान भारत सेहत बुनियादी ंचा मिशन तैहत 50 बिस्तरें आहले आधुनिक ब्लाकें लेई बी नीह पत्थर रक्खेआ।

<><><><><><><>

PM-Modi

प्रधानमंत्री नरेंद्र मोदी होरें छत्तीगढ़ दी बस्तर थाह 27 जहार करोड़ रपे दी केई विकास परियोजनाएं दा नीह पत्थर रक्खेआ ते किश दा उद्घाटन कीता। इस मौके पर बोलदे होई प्रधानमंत्री होरें आखेआ जे विकसित भारत दा सुखना उसलै गै पूरा होई सकदा ऐ जिसलै हर राज्य, हर जिला ते हर गांs विकसित होए। श्री मोदी होरें आखेआ जे मुख्य दे संसाधनें पर गरीबें दा पैहला हक ऐ। सरकार गरीबें दी भलाई-बेहतरी आस्तै कम्म करने लेई बचनबद्ध ऐ। सरकार भलाई-बेहतरी लेई बिजन फर्कोफर्की दे कम्म करा रदी ऐ। प्रधानमंत्री नरेंद्र मोदी होरें मुख्य गी जाति दे आधार पर बंडने दा कांग्रेस पार्टी पर कथित तौर पर दोष लाया।

<><><><><><><>

US-House

अमरीका च इक असाधारण कार्रवाई च प्रतिनिधि सभा दे अध्यक्ष के.वी मेकार्थी होरें गी ओहदे थ्वां हटाई दिता गेआ ऐ। अमरीकी संसद दे इतिहास च पैहली बारी सदन दे अध्यक्ष गी 210 दे मकाबले 216 वोटें कन्नै हटाया गेआ। 208 डेमोक्रेटिक सदस्यें कन्नै 8 रिपब्लिक सदस्यें बी मेकार्थी होरें गी हटाने दे पक्ख च वोट पाया। फ्लोरिडा दे दक्खपंथी रिपब्लिकन प्रतिनिधि मेट गेट्ज नै एह प्रस्ताव रक्खेआ हा। मेकार्थी पर संघीय खर्चे पर कटौती आस्तै लोड़चदी गेंs नेई पुट्टने दा राष्ट्रपति जो बाइडेन होरें गी सहयोग नेई करने दा आरोप ऐ। स्पीकर गी हटाए जाने कन्नै सदन दा विधायी कम्मकाज रूकी गेआ ऐ जेकर अमरीकी कांग्रेस माली पोण दी अवधि गी नेई बदांती तां 17 नवंबर दी समें-सीमा मगरा दुई बारी सरकारी कम्मकाज ठप होने दी शेंका ऐ। इस गल्ला दी मेद ऐ जे रिपब्लिकन सांसद अगले हफ्ते नमें स्पीकर दे चुना दा जत्न करडन।

<><><><><><>

Election

निर्वाचन आयोग दी पूरी टीम नै तेलंगाना च चुना सरबन्धी तयारिएं दी समीक्षा शुरू करी दिती ऐ। मुख निर्वाचन आयुक्त राजीव कुमार हुंदी अगुवाई च आयोग नै कल संझा हैदराबाद च प्रवर्तन एजेंसिएं कन्नै महत्वपूर्ण बैठक कीती।

पुलस ते राजस्व सने 20 सोयां मतियां एजेंसिएं निर्वाचन आयोग गी चुना सरबंधी त्थारिएं दी जानकारी दिती। आयोग नै कल संझा 10 राश्ट्री ते राज्य सतह दी राजनीतिक पार्टिएं कन्नै बैठक कीती ते उन्दे सुझा लैते हे।

<><><><><><>

Ayushman-Bhav

आयुष्मान भव अभियान तैहत करीबन 64 जहार लोकें अपने अंगदान करने दा संकल्प लैता ऐ। एह अभियान इस बरे 17 सितंबर सोयां 2 अक्टूबर तगर सेवा पखवाड़ा दौरान चलाया गेआ। केंद्री सेहत मंत्री मनसुख मांडविया होरें बी अंगदान आस्तै पंजीकरण करोआया ऐ। श्री मांडविया होरें आखेआ जे आयुष्मान भव अभियान बड़ा सफल रेआ ऐ। उनें दस्सेआ जे लगभग दो लक्ख 70 जहार सेहत सरबंधी मेलें दा आयोजन कीता गेआ। 1 करोड़ 61 लक्ख थ्वां मते लोकें इसदा लाह ठोआया ऐ। सेहत मंत्री होरें आखेआ जे इस अभियान दौरान लगभग 64 लक्ख आयुष्मान कार्ड जारी कीते गए ते इक करोड़ थ्वां मते आभा कार्ड बनाए गए।

<><><><><><>

Thakur

सूचना ते प्रसारण मंत्री अनुराग सिंह ठाकुर होरें आखेआ ऐ जे प्रधानमंत्री नरेंद्र मोदी हुंदी अगुवाई आहली बीजेपी सरकार इक जन-समर्थक, लोक कल्याणकारी ते गरीबें दी समर्थक सरकार ऐ।

अनुराग ठाकुर हों ओडिशा दे दौरे दरान भुवनेश्वर ते कटक च केइएँ कार्यक्रमें च हिस्सा लेंदे होई आखेआ जे पिछले 9एँ बरें च 18 करोड़ 50 लक्ख गरीब लोकें गी गरीबी रेखा थमां उबड़ा चुक्केआ ऐ जेदे थमां एह पता चलदा ऐ जे किस चाल्ती केंद्र सरकार नै सबका साथ सबका विकास दी भावना कन्नै गरीबी रेखा थमां हेठ औने आहले लोकें दी भलाई बेहतरी ते विकास आस्तै अनथक मेहनत कीती।

<><><><><><>

Punjab-Nashamukt

पंजाब च नशे दी समस्या पर जन सहयोग सोयां काबू पाने दे जल्न तेज होई गे न। पठानकोट जिला पुलिस नै धार पुलिस स्टेशन गी नशा मक्त घोषित करी दिता गेआ ऐ। इस खेतर च लोकें नशे दी समस्या पर काबू पाने आस्तै पूरा समर्थन ते सहयोग दिता ऐ।

<><><><><><>

Laddakh

लद्दाख च लद्दाख खुदमुख्तेयार पहाड़ी विकास कौंसल कारगिल दे चुना आस्तै मतदान होग। 26 निर्वाचन हल्के आस्तै 87 मेदवार मैदान च न। 278 मतदान केंद्रें पर वोट पाए जाडन। मतदान केंद्रें दी निगरानी आस्तै 4 चुना अधिकारी ते इक जहार सोयां मते कर्मचारिएं दी तैनाती कीती गेदी ऐ।

पैहली बारी लद्दाख खुदमुख्तेयार पहाड़ी विकास कौंसल कारगिल दा चुना एम-2
टाइप मशीनें राएं इलेक्ट्रिक वोटिंग मशीनें कन्नै होग।

<><><><><><>

Asia

चीन च हांगचोओ एशियाई खेड्डें च भारत नै कल दो सुन्ने दे तगमे, 3 चांदी दे
तगमे ते 5 कैह दे तगमे हासिल कीते न जिसदे कन्नै देश दी कुल तगमें दी
गिनतरी 69 होई गेई ऐ। इस च 15 सुन्ने दे, 26 चांदी दे ते 28 कैह दे तगमें
शामल न। भारत 69 तगमें हासिल करिये चौथे थाहा पर ऐ। एथलेटिक्स च
महिलां दी जेवलिन थ्रो च अनु रानी नै ते पंज जहार मीटर दौड़ च पारूल चौधरी
नै सुन्ने दा तगमा हासल कीता। मर्दे दे डेक्थोलॉन च अर्जुन सिंह ते सुनील
सिंह सलाम दी जोड़ी नै 1000 मीटर दौड़ च कैह दा तगमा हासल कीता।
एशिया खेड्डें दे इतिहास च 1994 दे बाद एह देशै दा दुआ कैनयो तगमा ऐ।

<><><><><><>